



UNIVERSITÄTS-  
BIBLIOTHEK  
PADERBORN

**Andreæ Vallensis Vvlgo Del Vavlx Andanensis, I. V. D. Et  
In Alma Academia Lovaniensi SS. Canonum Professoris  
Ordinarii, Paratitla Ivris Canonici Sive Decretalivm D.  
Gregorii Papæ IX. Svmmaria Ac ...**

**Delvaux, André**

**Coloniæ Agrippinæ, 1686**

**Tit. 3. De Rescriptis.**

---

[urn:nbn:de:hbz:466:1-62177](https://nbn-resolving.de/urn:nbn:de:hbz:466:1-62177)

quando est causa actus, quando scilicet actus non fieret, nisi ignoraretur; & ideo excusat omnino à peccato: sicut quando est comes peccati; uti est, quando peccaretur, etiam si sciretur: nam hæc nunquam excusat à culpa. Videatur plenus Navar. Conf. b. tit.

7. Constitutionum alia sunt Generales, aliæ Speciales seu Personales, Generales vim legum obtinent, & generaliter omoestent. s. 1. & 3. b. t. Novel de Ecclesiast titulis 131 in princ. Et censentur Generales, quando facta sunt per verba generalia, quia ubi lex non distinguit, nec nos distinguere oportet, arg. l. De pretio 8. D. de public. in rem ab. rameti aliquia est dubitandi ratio, an sint generales, vel non: quia dici solet, quod lex simpliciter lata comprehendat omnem causum, dato, quod in uno sit majoratio, quam in alio l. 1. b. quod ausem D. de astat. l. In fraude fin. D. de testam militi. Etiam si generaliter intellecta continerent rigorem, & essent dura, l. Prospexit D. Qui & à quibus manumissilib. non sunt. &c. item etiam si sint solum generales in fine, & speciales in principio, Glossa in Rubr. Cod. Etiam ob chygraphariam pecuniam &c. Insuper etiam si sint solum generales in sua præfatione & initio quia licet postea loquantur per verba specialia ramenta tota lex est generalis. l. Regula §. fin. ibi: nam initium Constitutionis, & ibid. Bart. D. de Iuris & facti ignorancia Speciales sunt, quæ non omnibus, sed alicui vel aliquibus tantum, vel certo hominum generi aut loco positæ sunt: & ideo solum ius impenitentis concernunt, nec ad successores eorum, contra quos impenitentia sunt, extenduntur, & morte etiam impenitentis expirant, c. Signif. 36, inf. de rescr. & aliter vocantur Rescripta, de quibus seq. Tit.

8. Porro ut Constitutio propriæ dicta sit valida, oportet eam esse æquam, justam & universalem. can. Erit autem lex diff. 4. ut etiam maturè & cum judicio deliberato fiat, non precipitanter & ex abrupto, c. Alma, vers. diligenter habita deliberatione De sen. excom. in 6 l. : D. De LL. fa. itaque ad rumorem populi non tenet, arg. l. Si privatus 7. D. Qui & à quibus &c. Nec debet per eam dari facilis occasio ad delinquendum: alias tamquam iniqua reprobatur, l. Illud convenire §. 1. D. de partis dotal. c. Quemadmodum c. Etsi Christus vers. quadam enim inf. de jurejurando Lud. Romanus Singul. 714. incip. Index potestatis.

## TITULUS III.

## De Rescriptis.

## §. I.

Rescripti nomine quid veniat.

1. Quid sit Rescriptum
2. Qui rescribere possint
3. Differentia inter Rescriptum & privilegium.

**Q**uia Rescripta sunt quædam, ut ante diximus, Constitutiones speciales, per quas ue plurimum dantur missi, qui iura exequuntur, sine quibus parum est iura condere, c. Vbi periculum 3. c. Comissa 35. de electione in 6. ideo Pontifices post Titulum de Constitutionibus tractat de Rescriptis.

1. Rescriptum in genere nihil est aliud, quam Constitutione per epistolam specialis, vel, iuxta Rebussum, Tract. de rescriptis nu 5. est Principis concessio, per litteras authenticas legitimè facta: sive sit secundum jus, ut si mandetur, quantum sit jus, cap. Licet 12. inf. de officio ordinarii, iuxta text. in cap. 1. b. t. sive contra jus aliquid concedatur, veluti quod condemnatus adhuc audiatur. Nam quod dicitur, rescriptum contra jus non valere, verum quidem est, nisi in rescripto Juri derogetur, ut in l. fin. Cod. Si contra jus, &c. Nisi enim Princeps expressè deroget juri, opereretur judicem, judicare secundum jus, c. Si quando 5. b. t. quia mens Principis presumitur talis, qualis de jure esse debet, l. Ex Falso D. de vulgari & pupill. subscr.

2. Dicitur, Principis; id est, cuiuslibet locum primum obtinens, qui rescribere potest. Cujusmodi in primis est Papa, zoto b. tit. & aliae jurib. cuius rescripta interdum vocantur Litteræ Apostolicae vel rescripta Apostolica: & rescriptum, quo alicui causa committitur, dicitur Commisso. cap. Sedes 14. & seqq. b. t. Secundo Imperator, tit. Cod. de precibus Imp. offeren. & de diversis rescriptis. Et hujus rescripta subinde vocantur Divina iussiones, sacri affatus, Sacra oracula, Sacra forme aut iussiones, imperiales concessiones Sacra littera, Tertio. Rex Hispaniæ, Franciæ, & quilibet alius Princeps, non recognoscens superiorem. Quartò Cancellaria; sive Papæ, c. Ad hac 10. b. t. sive Imperatoris vel Regis, in sua

D

scilicet

scilicet provincia, ubi constituta est, ne se mutuò impediatur. Quintò Legatus Papæ, Collegium Cardinalium; & quicunque potest constitutionem condere, ac jurisdictionem habet, is potest & rescriptum condere. Hostiensis in *Summa busus Tit. §. Quis possit &c.* Videatur plenius Rebussus, d. loco. Inferiorum verò concessiones vix dicuntur Rescripta; magisque Litteræ excommunicationis, restitutionis, commissionis, citatoriæ, inhibitoriæ, absolvitoriæ appellantur, e. Olim 25 in V. *absolutionis litteras h. t. & simil.*

Dicitur concessio; quia sola pars petitiō non dicitur Rescriptum, sed subiuncta ipsius Principis concessio, l. 1. l. *Nec damnoſa jundia rubr. Cod de precibus Imp. offeren. c. Si gratiosa 5. b. t. in 6.* Atque ideo pars dicitur impetrare rescriptum, quando id ei conceditur, s. *Caterum, 3. in verbis impetraverint litteras b. iit.* & *Impetratum rescriptum, quando pars illa obtinuit, l. Impetrata rescripta. Cod. ferent. rescind. non posse.* Dicitur, per litteras; nam solo verbo concessio facta non dicitur Rescriptum, nisi litteris expeditis; haec enim sunt; quæ dicuntur Rescripta, & cœtria, e. *Ad annes 8. & seqq. ne farè per tot. b. t.* Dicitur, authenticas; quia alias non dicuntur rescripta, e. 1. & 2. inf. *De fide instrum.* Dicitur deinde, legitime facta; quia non debet subreptiū vel obreptiū imperari.

3. Differt poterò Rescriptum à Privilégio in pluribus: & inter alia, quod privilegium sit contra jus, *Glossa in Summa 25. q. 2.* Rescriptum verò regulatiter sit secundum jus, & ad observantiam Juris communis, l. *Falso C. de divers. rescript. Glossa in c. 1. in V. noſtatur in fine, De Constitut. in 6.* & ideo secundum naturam ejus debent intelligi, cap. *Causam 18. & ibi Panor. & alij b. t.* Videatur plenius Rebussus in *Praxi Benef. de differentijs inter Privilégium & Rescriptum.*

## §. II.

### Quotuplia sunt Rescripta.

1. *Rescriptorum tria genera.*
2. *Rescripta Iustitiae ſive ad lites.*
3. *Rescripta gratiae ſive ad Beneficia.*
4. *De clausula. Si preces veritate nitantur.*
5. *De obreptione & subreptione*
6. *Quenam in Rescriptorum impetracione exprimendo.*

1. **R** Escriptorum specialium in genere tria sunt genera, juxta triplicem modum quo contingit S. Pontificem rescribere. Aut enim contra ius rescribit, aliquid alicui concedendo, veluti immunitatē collectis, ut in l. 1. & per tot. *De immunitate concedenda lib. 10.* aut decimis, vel aliquem sua lege solvendo: vel cum aliquo dispensando. Aut rescribit ad lites: aut denique ad beneficia Primi modi Rescripta dieuntur Privilégia, *de quibus lib. 5.* Secundi modi, dum scilicet ad lites rescribit, appellantur.

2. **R** Escripta Iustitiae: quorum meminit, l. *Legib. Cod. Si contra ius vel utilitatem publ. ubi Bartol. & alij, e. Suscitatus 13. c. Pastoralis 14. c. Super litteres 10. b. t. & talia sunt, cum Pontifex de jure parti obscurō consultus, aperit illud, & quid Judex in judicando sequi debeat, ostendit, e. *Ex parte 12. c. Sedes 15. & alij hoc tit.* aut quando causa ad se devoluta. Judicem aliquem delegat, e. 1. c. *Nonnulli 28. & alij hoc tit.* Dicuntur autem Rescripta ad lites seu iustitiae, tum quia ad iustitiae administrationem pertinent & referuntur: tum quia causam annexam habent, cur concedi debeant, nec sunt merae gratiae. Et haec licet præter ius dentur, in casibus scilicet à jure non decisis: tamen dicuntur etiam dari secundum ius, quia vel ad juris interpretationem, vel ad juris debitam executionem dantur.*

3. **R** Escripta denique ad beneficia vocantur Rescripta Gratiae, quorum text. in c. *Gratia hoc tit. in 6. Clement. Gratia, eod. tit.* quia nullam a liam causam habent, cui concedantur, quam concedentis meram liberalitatem. Hujusmodi rescripta sunt, quibus Pontifex mandat alicui provideri de beneficio Ecclesiastico, e. *Mandatum 38. c. Abbate 40. b. t.* & de his duabus posterioribus Rescriptorum generibus hic agimus: ut Rescripta hic nihil aliud sint, quam S. Pontificis Epistolæ ad lites vel ad beneficia; ad supplicationem alicuius rescriptæ. Alioquin alia sunt Rescripta gratiae, quæ à secularibus conceduntur; & sunt remissiones gratiae & indulgentiae, de quibus D. *ad Senatus. Turpil. & Cod. De abolitione.* Alia solent dici Rescripta Communia seu Mixta, ut quidam vocant, quæ scilicet tum à Papa, tum à secularibus Princibus concedi possunt, ut rescriptum legitimatis;

4. In

4. In omni autem rescripto S. Pontificis haec clausula, *Si ita est, si preces veritatem intantur, semper subintelligitur, c. Ex parte 2. c. Olim 25. b. t.* licet rescripta principis facultatis de jure civili non valeant, nisi expressè eam clausulam insertam habeant, *t. fin. Cod. de diversis rescriptis*. Diligenter itaque cavendum, ne obreptitè vel supræpetitè aliquid impetretur.

5. Tamen si autem obreptio & subreptio sèpè confundantur, & pro ijsdem capiantur: communicer tamen ita distingui solent, quod obreptio committuntur exprimendo falso; subreptio verum tacendo, *juxta notata per Innoc. in c. Cum dilecta 22. b. t.* Cæterum qui subreptionem obicit, eam probare debet: ei vero qui falso narravit, incumbit probatio illius quod pro vero suggestit. *Wamel conf. 7. n. 2. ubi alios citat.* Si igitur dolo seu malitia aut scienter impretrans, falso in suo libello allegaverit, vel verum tacuerit, rescriptum gratia seu ad laesandum est ipso jure nullum, *c. Ad aures 8. c. Super litteris 10. b. t.* Sin per errorem aut simpliciter id fecerit, prout in dubio fecisse presumuntur, tunc distingue solent. Nam si falso narratum aut verum tacitum sit tale, quod, etiam si totum negotium ex veritate Pontifici fuisset narratum, si nihilominus verisimiliter confessurus & rescriptum fuisset, saltem in forma communis, valer Rescriptum, ad hoc, ut *Judex delegatus* causam deficiat: non quidem secundum formam rescripti, sed secundum ordinem iuris, *d. c. Super litteris, c. Ex insinuatione 37. eod. tit.* Si vero tale sit, quod ex veritate negotio exposito, Pontifex verisimiliter von fuisset rescripturus, puta quia Canones dari vetant quod petitur, non valer Rescriptum, *d. c. Super litteris.* At Rescripta ad lites, per falsi suggestionem aut veri suppressionem obtenta, aut etiam sine huiusmodi fraude, dummodo S. Pontifex alias veritate expressa & falsitate suppressa non fuisset rescripturus, valent quidem ipso iure, sed ope exceptionis eorum *Judice delegato* refelluntur *d. c. Super litteris.* Ratio diversitatis est, quia rescripta gratia sunt ambitiosæ, *c. Quamvis Deprab. in 6.* non item rescripta ad lites.

6. Debet igitur in rescriptis fieri mentio de omni eo, quod moveare potest Pontificem ad rescribendum, vel non rescribendum, vel etiam non tam facile. *Quod Garzias De Beneficiis*

*p. 8. cap. 3. afferit generaliter obtinere in Rescriptis ad lites: in Rescriptis vero ad beneficia seu gratia intelligit de ijs, de quibus in jure vel de stylo cuiusdam cautum est, ut exprimantur; eo argumēto, quod collatio facta criminōsō, modo crimen non sit tale, quod inhabilitatem inducat, validabit; quam tamen versimiliter Pontifex non fecisset, si c. imen novisset. Et si autem Rescriptum subrepticium tribuat jurisdictionem tamen statute obreptione & subreptione oppositā, processus si quis fiat, est nullius momenti, *cap. Ex senore 6. c. Ad audiendam, 31. b. t.* Maceirat. lib. 1. *Vas. resolut 8 n. 1. & 3.**

Illud etiam observandum, Rescriptorum Pontificorum alia per viam Brevis, alia per viam Cognitionis, alia per viam Rescripti specialiter nuncupati, concedi. Insuperque Cisterciensis habere privilegium, neposcent conveniri per te-scriptum Papæ, nisi in eo fiat mentio de eorum Ordine, *c. Cum ordinem 6. b. t.*

### §. III.

Quis impetrare Rescriptum possit.

1. Impetrare potest non prohibitus.
  2. Qui prohibeantur.
  3. Rescriptum ad lites sine speciali mandato impetrari non potest.
  4. Rescriptum gratia potest.
1. Impetrare potest, quicumque non prohibetur, *c. 1. eod. in 6.* sive sit auctor, sive reus, *c. Cæterum 3. c. Ad hac 10. & alibi b. t.* licet sit filius familias, quia non reperiatur prohibitus, Nec obstat, quod sine consensu patris non possit agere: quia impetrare rescriptum non est agere. Quis etiam Monachus, licet sit mundo mortuus, *can. Placuit XVI q. 1. & Servis Dei non licet frequentare lices c. 2. inf. De postulando:* tamen rescriptum impetrare potest, in quantum illi convire & subservire valer, Rebuffus in *d. Tract. De Rescriptis. n. 3.*

2. Impetrare vero non potest; Primo excommunicatus *c. 1. eod. in 6.* & ab eo impetratum rescriptum super alio, quam excommunicatio vel appellationis articulo, est ipso jure nullum, sicut & id, quod inde secutum est, Privatum enim excommunicatio communione hominum, inducitque inhabilitatem ad beneficia, ad electionem, presentationem, *de quo inf. Tit. 6.* item ad agendum, *cap. 1. eod. in 6.* Secundo servatus nisi de domini vindicanda necagat, *t. 1. Cod. de precibus*

D 2

precibus

*precibus Imp. offeren.* III. Falsus aut revocatus procurator, c. *Ex parte 33 h.t.* IV. Hæreticus, l. 2. c. *de summa Trinitate Glosf in c. Super litteris h.*

5. Laicus pro se impetrare litteras gratia non potest, cum sit incapax beneficiorum, e. *Ex litteris 6. inf de transact. c. 2. & ibi D inf de insit.* Ideo que mandata vel nominationes ab eo impetratae non valent. *Rebuff. in Tract. Nominas. q. 9.* Justitia vero impetrare potest, ut parer ex *tst. inf. De officio delegat.* Nonnulli 28. § *fin h.t.* Hostien. in *Summab. t. 6. Quis impetrare Rebuff. in Prax. Benef. Tis Differentia inter rescripta gratia & justitia.*

3. Sic nec litteras ad lites impetrare licet, sine speciali mandato; & taliter impetrans tamquam falsarius punitur, c. *ex parte Decani. 33. d. c. Non nulli in fine. & ibi dem Glos. h. t.* ubi dicunt, tale re scriptum esse annulandum per exceptionem, quia, parte non contradicente valeret; sicut & si impetratur a coniuncta persona, carnali scilicet, non etiam spirituali tantum coniunctione, *Glosfa in c. cum M. de constitut. ubi vide Felic. nu. 11.* In Francia tamen passim sine mandato impetrari talia rescripta tradit, *Rebuff. in Tract. concordat. in V. Speciale vers. Vigesimus sextus*, ubi restatur de consuetudine.

4. At vero rescriptum gratiosum potest sine mandato impetrari, c. *Ex ore. ubi Abbas inf. De his quæ sunt à maiore parte capitul. Glos. in d.c. Non nulli § sunt & alij, c. Quam sit & ibi Glos. in V pestate de elect. in 6. Panor. in c. Ad aures 8. post Glos. in fine h. t. ut v. g. beneficiorum, privilegiorum, immunitatum. De stylo tamen & praxi Romanæ Curiae nullum exigunt mandatum ad impetrandum rescriptum, sive gratia sive justitia, tradit & rationem reddit Gonزال ad Regul. viii. *Cancell. Glos. 63. n. 16. & seq.* Ubi cumque autem prohibetur quis impetrare rescriptum, si impetrat non valeret sive prohibetur ratione personæ sua, ut excommunicatus, hæreticus, sive ob turpitudinem causa finalis ut in nuptijs ex rescripto petitis; sive quia res impetrata sit a lege prohibita, veluti ut quis duas mulieres obtineat,*

#### §. IV.

Contra quem & super quibus Rescriptum impetrari possit?

1. *Impetrari potest contra quemlibet.*
2. *Etiam non citatum.*
3. *Super causis quibus libet.*

1. Impetrari potest contra quemlibet, sive Clericorum sive Laicorum, sive majorem sive minorem modum, is, contra quem impetratur, subicit jurisdictioni concedentis, Hostien. hoc tit. § *contra quem.* Si tamen minores & viliores personæ in rescripto exprimantur, non intelliguntur maiores & digniores; nee super majoribus & gravioribus negotiis audiuntur, qui de minoribus dumtaxat mentionem fecerunt, etiam si adhuc clausula, *Et quidem alij. & res alia c. Sedes & eod.* Impetrari etiam potest contra impetrare prohibitum, velut contra excommunicatum, ne ex malitia sua lucrum & commodum referat, c. *intellectus inf. de judiciis.*

2. *Citatio vero ejus, contra quem impetratur, ad impetratorem non requiritur, sed bene in rescripti approbatione, si approbationem seu intermissionem, ut vocant, requirat. Rebuffus d. loco n. 42.*

3. *Impetrari autem potest super omnibus, tam spiritualibus quam profanis, c. 2. & par 10. h. t. tā corporalibus, quam incorporealibus c. Quarelam 24. inf de electione, c. dispensia h. t. in 6. super Ecclesiis & beneficijs, c. 2. & alij. h. t. sic tamen ut Papa & Ecclesiastici viri super spiritualibus, saeculares vero super temporalibus rebus, & in quibus casibus Judices saeculares de spiritualibus cognoscunt; ut in possessorio, rescripta concedant *Rebuffus d. loco n. 66.* Casus vero, super quibus prohibetur à jure rescriptum impetrari, videantur apud Lue. de Peuna in l. unic. Cod. de pistor. lib. 11.*

#### §. V.

E pluribus Rescriptis impetratis, quodnam sit præferendum?

1. *Qualiter posterius Rescriptum præferatur priori.*
2. *Speciale posterius derogat priori generali.*
3. *Generale posterius non tollit primum speciale.*
4. *Cur per posterius revocatur prius.*

1. *S*i duo diversi ad unum idemque beneficium Rescriptum impetrant; vel etiam ad unam eandemque item diversa Rescripta ad diversos Judices posterius priori præferetur, si modo prioris mentionem faciat: alias valebit prius, & posterius subreptiū habebitur. nee obtinebit alcuius roboris firmatatem, c. *Caterum h. t.* Nisi primum fuerit impetratum communis.

muni consensu partium; nam tunc non valet secundum imperatum per alienam partem, hoc subdicto d. c. Caterum: 2. Aut nisi prius sit generale, & posterius speciale, quia tum speciale posterius derogat generali priori, quantum ad ea, quae in speciali specialiter, & contraria contentis in generali, exprimuntur, vel in generali non exprimuntur, licet prioris mentionem non facit. c. 1. & c. Pastoralu 9. quoniam eod tis. 3. Id ipsum obtinet quoque, si speciale prius fuerit imperatum, quia generi per speciem derogatus, c. generis De reg. juris in 6. & quia generalis dispositio, quae sequitur, non refertur ad speciale praecedentem, l. Sanctio legum D. de paenit. Quod si utrumque sit generale, illud attenditur, quod est magis speciale. Rebuffus in d. Tract. de rescriptis n. 104.

4. Non mirum autem videri debet, per posterius rescriptum revocari prius: id enim non sit sine causa, cum quod ad preces supplicantis largitur Pontifex sit veluti precarium, quod jure communi ad voluntatem dantis revocari potest, l. Ait Prator D. de precario

Quod tamen dicitur, in d. c. Caterum, secundum rescriptum, non habita mentione de priore, non valere, intelligendum est, si pars opponat. Abbas & alij ibid. Facit. c. Plerumque & eod. ubi post annum valent secundæ literæ, quando adversarius primis non fuit usus: nam inde sequitur, non fuisse ab initio nullas. Quod si quis, imperato rescripto, videat sibi forte damnum, non cogitur illud presentare cap ex conq[ui]stione. & De restitus. Spoliatorum. Imò potest ei renuntiare, etiamsi presentaverit. Abbas ibid. etiam post citationem, modò parti satisfaciat de expensis & interesse. Aliud dicendum, si parti sit aliquod jus quæsitum. Rebuff. a loco n. 160.

## §. VI

Qualis interpretatio sit facienda in Rescriptis?

1. Stricta interpretatio est Rescriptorum.
2. Clausula in Rescriptis ad sententiam juris communis revolande.

1. Quando in Rescriptis validis aliqua subditur dubitatio, tunc interpretatio stricta est facienda. & quidem secundum jus commune, c. Cassam qua 18. h. s. quia in dubio non

p[ro]sumitur Princeps aut Pontifex, aliquid contra jus commune rescribere, sicut nec derogare iuri alteri prius quæ sit: quod est de natura rescripti, l. Fallam. Cod. De diversis rescriptis, l. Rescripta Cod. de precib. Imp. offeren. Montanus Da Tutele c. 33. n. 527.

2. Et hinc omnes clausulae, in rescriptis expressæ vel subiunctæ, ad juris communis sententiam revocari solent. Unde clausulam illam, Si simul omnes interesse non possunt, unus nibilominus vel duo negotiorum exequantur, interpretatur Pontifex, in c. Scifitatu 13. h. s. de impedimento tam juris, quam facti: & per illam, Si pra[eterea] alio non scripsimus (quæ semper intelligatur, nisi contrarium exprimatur) declarat se non intendere collatorem duobus gravare mandatis, c. Mandatum 38. h. s. Et denique, dum in Ecclesia aliqua est certus Canonicorum numerus, nec vacat, locus, regulariter rescriptum imperans non recipitur, c. Constitutus, 19. h. t. Ideo solet Pontifex addere, Non obstante Canonicorum numero; per quam clausulam pro illa vice juriderogat communi, d. c. Constitutus.

Quatenus tamen non de jure communi, sed de præjudicio agitur rescriptentis, videntur rescripta late interpretanda, cap. Olim 16. inf. De verb. sig. & l. Beneficium D. de constitut. Principum: dummodo ambitiosa non sint, quia tunc restringenda, cap. 4. de praben. n. 6.

## §. VII.

De quibusdam Rescriptis invalidis.

1. Rescriptum non valet inhibens causæ cognitionem.
2. Manifeste peccans in lingua Latinam.
3. Pendente lite imperatum.
4. Item contra jus vel stylum.
5. Quatenus vitetur.
6. Subreptio quo modo tollatur.

1. In primis suspectum omne est Rescriptum, inhibens causæ cognitionem. c. Ex parte 2. hoc tit. quia non p[ro]sumitur Pontifex velle pervertire juris ordinem: & ideo suspicio est, tale rescriptum ab eo non proficiisci.

2. Non valet quoque Rescriptum, manifeste peccans in lingua Latinam, c. Ad audienciam 11. h. s. Roman. Cons. 76 n. 10 & seq. Gle. in can. Apostolica xxxv. q. 9. quamvis Principum sacerdotium rescripta in Grammaticam peccatoria valeant. l. Imperator D. de statu hominum. Attamē literæ aut syllabæ unius alteriusve defectus non vitiat

D 3

viciat Rescriptum, c. Ex parte inf. Deinde instru-men nisi defectus sit talis, qui mutet sensum & intellectum dispositivi rescripti, c. Inter dilectos 6. inf. d. tit.

3. Lite etiam pendente neutri litigantium fas imperare rescriptum, quo alius de possessione vel quasi possessione decipiatur, cap. 12. & ult. inf. Ut lito pendente, &c. Neque enim lite pendente rescriptum imperare licet, nisi ut deciditur in l. 2. & 3. Cod. Ut lito pendente, &c. Sicut nec post provocationem, d.l. 3.

4. Similiter non valet rescriptum contra jus, l. Rescripta Cod. De presibus Imp. offeren. can. Rescripta xxv. q. 2. sive divinum, quod inferior tolleret nequit; sive naturale, quod est immutabile; sive Gentium, ut si rescriptum dominium rei meae mihi auferat: sive contra jus Civile, can. Imperiali xxv. q. 2. sive contra Canonicum; sive etiam contra Concilia generalia, c. Ex parte inf. De capillis Monachorum Similiter non valet con-tra jus municipale, vel consuetudinem, non facta illius mentione Rebuff. d. loco no. 70. in fine Ratio horum est, quia talia Rescripta censentur concessa praeter intentionem Principis, ob vatis occupationes tunc juris non recordantis, d. s. Ex parte. Non enim presumitur, volum se jura, tot vigilijs exequitata, uno rescripto sub vertere, l. Si quando 35. C. De inoff. testam, s. Ecclesia 48. inf. De electione: si que deficit non potestas, sed voluntas.

Similiter non valet, si sit contra stylum, c. Quam gravis 6. inf. De criminis falsi: tunc enim non presumitur aut ereditur a Papa vel ejus Legato emanasse, c. Porretha 6. inf. de confirmat. us. Icem si habeat clausulas insolitas: si tollat ius tertij, quia cum presumitur fallum: si prohibatum sit impetrati: si careat debita solemnitate: si sit talum in loco suspecto: si crimen supplicanti indulgear: si sit fisico damnum: si sit contra utilitatem publicam, vel jus publicum, veluti ut edificetur in via publica in præjudicium transiuntium. Valeat tamen rescriptum contra jus, si sit per modum privilegij, quod Juri solet derogare, can. Privilegia distinct. 3. Si in aliquo tantum detegot juri, veluti ut differatur solatio creditorum per annum aut quinquennium l. Quoties Cod. de precib. Imp. offerent. Si addatur clausula, summarie & de plano, quia ordo juris non tollitur, Clemens. Sap. de verb.

significat. Si fiat mentio juris contrarij, l. fin. Cod. Si contra ius, &c. Si non laedat alium, & proficit perenti.

5. Observandum autem circa haec, subreptionem in uno capite, seu in una parte, Rescripti, regulariter non vitiare Rescriptum, quod alia capita separata, c. Si in tempore h. s. in 6. nisi sit dolosa, quia tunc viciat in totum, c. Sedes 15. c. Ex tenore 16. c. Super littera 20. b. t. cum mendax procurator seu imperator debeat carere penitus imputatis, d. c. Sedes. Similiter si subreptione in uno capitulo fuerit causa obtinendi rescripti quoad omnia, viciat in totum, c. Constitutis 19. & ibi Gloss & Abbas, h. t.

6. Observandum postrem, subreptionem tolli per clausulam, Motus proprii, per clausulam, Non obstante, per clausulam, Si non sit alteri jus quaustum, quia videtur tunc concessum sub conditione, si non præjudicetur alteri in iure quæsitio e. Quamvis eod. in 6. Item per clausulam, Ex certa scientia, per clausulam, Ex plenitudine potestatis, per clausulam, Pro expressis habentes & supplerentes omnibus defectus, prout de his videre licet apud Rebuff. d. Tract. de Rescriptis.

## TITULUS QUARTUS De Consuetudine.

### s. III.

Quid sit Consuetudo?

1. Ius non scriptum in Traditionibus, & in Consuetudine consistit
2. Definitio Consuetudinis
3. Consistit in facto.
4. Quid mos.

1. Postquam egimus de jure Canonico scripto, ejusque partibus, partim in Corpore Juris clausis, partim non clausis: sequitur ut de non scripto agamus; quod dari constat ex can. Ecclesiasticarum, can. Nolite & alii distinct. 11. & distinct. 12. ferè per rot. Consistit illud partim in Traditionibus, sumpto tamen nomine traditionis specialiter, ut designat sanctum doctrinam non scriptam; partim in Consuetudine specialiter sumpta. Traditiones autem, de quibus egimus Tit. primo, non solum agnoscit Ecclesia Catholica, seu jus Pontificium, sed etiam Justinianus ipse varijs in locis, ut in l. sanctos ibi: secundum Apostolicam. &c. in